

KAY TAWA IMASTA  
DIOS MUNAN  
YACHANAYKITA



## **Qan nesecitanki salvacionta**

Uj runanejta jucha kay pachaman  
yaykumorqa, jucharaykutaj wañuypis  
tiyan. Ajinamanta wañoyqa tukuy  
runasman chayarqa, tukuyninku  
juchallikusqankurayku. Romanos 5:12

Qanrí, imaraykutaj hermanoykita  
juzganki? Chayrí, imaraykutaj  
hermanoykita pisipaj qhawanki?  
Imaraykuchus tukuyninchej Diospa  
juzganampa ñaupaqempi  
rihurinanchej tiyan pay  
juzganawanchejpaj. Diosmanta  
Qhelqaqapi nin: Señorqa nin:  
Kausayniyrayku jurani: Tukuy runas  
ñaupaqeypi qonqorikonqanku, tukuy  
simitaj Diospuni kasqayta  
rimarenqanku, nispa. Romanos 14:10-11

Diospa k'ajaj phiñakuynenqa janaj  
pachamantapacha rikuchikun Diosta  
mana yupaychajkunaj contrankupi,  
mana cheqan kajta ruwajkunapaj ima,  
pikunachus sajra ruwayninkuwan  
cheqan kajta jark'ashanku,  
chaykunapaj. Romanos 1:18

Juchaj pagonqa wañuymin. Romanos 6:23

## **Señor Jesucristo wakichinña salvasqa kanaykipaj**

Diosqa jinatapuni kay pachapi kaj  
chhikata munakusqanrayku, uj k'ata  
Churinta qorqa. Ajinamanta pillapis  
paypi creejqa mana chinkayman  
renqachu, astawanqa wiñay  
kausayniyoj kanqa. Diosqa mana kay  
pacha runasta juchachanampajchu  
Churinta kachamorqa, manachayqa  
paynejta salvasqa kanankupaj.

Juan 3:16, 17

Munakoyqa kay jinapi rikukun:  
Mana noqanchej Diosta  
munakusqanchejpichu, manachayqa  
Dios munakuwasqanchejpi, Churinta  
kachamusqampitaj  
juchasninchejmanta Diospa  
phiñakuyninta wañuyninwan  
thasnunampaj. 1 Juan 4:10

Cristopis juchasrayku uj kutillata  
ñak'arerqa; cheqan kajqa juchasapasrayku  
wañorqa, Dios Tataman  
pusanasuykichejpaj. 1 Pedro 3:18

Diospa regalonrí wiñay kausay Cristo  
Jesús Señorninchejpi. Romanos 6:23

## **Señor Jesusqa salvayta atisunki**

Payqa atin wiñaypaj salvayta paynejta  
Diosman qayllakojkunata,  
imaraykuchus payqa kausallanqapuni  
paykunapaj Diosmanta  
mañapunampaj. Hebreos 7:25

Pay k'atalla qankunata  
waqaychayta atin mana urmajta,  
mana k'aminata  
rikhurichisunaykichejpaj may jatun  
kaynimpa ñaupaqempi, jatun  
kusiyan. Judas 24

Payqa kay pachapi ñak'ariypi  
probasqa karqa; chayraykumin  
yanapayta atin pruebapi kajkunata.  
Hebreos 2:18

Ajinaqa Cristopi kaj runaqa mosoj  
runañamin; ñaupaq kausayqa  
tukukapun, mosoj kausaytaj  
ayamun. 2 Corintios 5:17

*Chayrayku . . .*

## **Qanllataj mana atinkichu salvakuyta**

Yachaykutaj runaqa mana leypa ruwanasninraykuchu cheqan runapaj qhawasqa kasqanta, manachayqa Jesucristopi creesqanraykulla.

Gálatas 2:16

Tukuywampis Dios munakuyninta rikuchiwanchej; juchasapasllaraj kashajtinchej, Cristo wañorqa noqanchejrayku. Romanos 5:8

Jesús nerqa: Noqa ñan kani, cheqa kajtaj, kausaytaj; mana pipis Dios Tataman chayayta atinchu, mana noqanejta rispaqa, nispa. Juan 14:6

Salvacionqa Jesucristollapi tarikun. Kay pachapi mana waj suti runasman qosqa kanchu, salvasqa kananchejpaj.

Hechos 4:12

Diospa qhasilla k'acha yanapayninnejta creeyrayku salvasqa kankichej, mana chaypaj jina kashajtiykichej. Chaytaj mana qankunamantachu jamun, manachayqa Diospa qhasilla jaywasqan. Manataj ima ruwanasraykuchu salvasqa kankichej, ama pipis jatunchakunampaj.

Efesios 2:8, 9

## **Juchamanta kutirikuyp**

Diosqa tukuynejpi runasta kamachin payman kutirikunankuta. Hechos 17:30

## **Juchasniykita willay Diosman**

Juchasninchejtachus Diosman willakunchej chayrí, juchasninchejta pampachanqa, nisqanta junt'aj, cheqantaj kasqanrayku. Jinallataj payqa tukuy sajra kayninchejmantapis pichawasunchej. 1 Juan 1:9

## **Cristopi atienekuyp**

Sichus simikiywan runaspa uyarinanta ninki Jesusqa Señor kasqanta, creenkitaj sonqoykipi Dios wañusqakunamanta payta kausarichimusqanta chayqa, salvasqa kanki. Romanos 10:9

Señor Jesuspi creey, qantaj salvasqa kanki. Hechos 16:31

Texto bíblico © SBB 1993

Quechua: Bol. FT



**SGM Internacional**

3 Eccleston Street Londres SW1W 9LZ Inglaterra